



kal.komp.

53264

I

Mag. St. Dr.

P

*Quaestio metaphysica
de animae humanae, in statu separationis,
operationibus.*

. 664

Biblioteka Jagiellońska



stdr0005128

QVÆSTIO METAPHYSICA.

D E

Animæ humanæ, in statu se-
parationis, operationibus.

PVBLICÆ VELITATIONI.

J N

Inclyta Academia Cracouiensi.

A

M. ALBERTO ŁANCVCKI,
ineadem Academia Professore.

Permissu superiorum
EXPOSITA.

Mense Novembris Die 24

CRACOVIAE,

Apud LVCAM KVPISZ, Anno D. 1646.



Bg 1.8



532647

Lilia Paſſanſis, decerpta videntur in hortis,
Hinc tria GNEſNENſi, ſubuirnère ingo.
Autumnus, rêcreat Prælatos floris honore,
Liliger, vt nimium fundit odoris ager.
Hinc virtus, pietas, candor, gratantur odorem
Metropoli; vernat, quæ ſine nube recens.
Vt vireat, plaudente diu Ioue, ſæcula centum,
Lilia ſplendefcant, meſſibus alba; precor.

Perillustribus & Reuerendissimis Dominis,
 AVGVSTISSIMI CAPITVLI, INCLY-
 TÆ ECCLES: METROPOLITANÆ,
 G N E S N E N S I S,
 PRÆLATIS & CANONICIS,
 DD. & Mæcenatibus Cle-
 mentissimis.

Salutem ac perennem felicitatem.



DAtiamini obsecro, ô amplissimi sacræ Basilicæ Gne-
 snensis Proceres, Vestris sub auspicijs, disceptatium-
 cula præsens, publicam lucem, vt aspiat. De gremio
 honorificentissimarum disciplinarum est excerpta;
 Vos totam per Sarmatiam cultu honorificentissimo
 dignissimi. Anima rationalis operationes non igno-
 biles euoluit atq; rimatur; Vester Senatus, magnarū
 rerum gloriosissimè gerendarum, est in Orbe Polo-
 no norma, lux, anima. Res perexilis est & indigna, quæ ambiat, splendore
 dignitatis Vestræ collustrari non diffiteor. Nil ab omnibus Regni Ordinibus,
 conspectui Vestro, nisi quod est illustre, excelsum, magnificum, exhiberi debet.
 Utinam verò & mihi longè amplior suppeteret facultas, quàm desiderium ar-
 dens & officiosa interea voluntas. At (pro incredibili in literas & me affe-
 ctu) ignoscite obtestor, dum ita tenui opellæ augustissima præfigo nomina atq;
 numina Vestra. Non temerarius est aliquis iste aut ridiculus ausus; sed ma-
 gnæ in Vos obseruantiaë symbolum atq; parergon. Impius ego, ne dum impu-
 dens, si nouellas istas alibi: non in Vestro gremio sacro fouendas reponerem.
 Dulcis est mihi recordatio, Vestræ singulari beneficentiæ, quâ (dum excubias
 agerem, in Seminario Archidiecepsano, & Vestro; circa nouellos Sacerdotes
 formam-

formandos) cumulatissime sum toties amplificatus & collustratus. Absit, ut lateat quenuquam in Inclŷta (carissima Matre mea) Academia, quàm gratus sim Vestræ in me incredibili animorum propensione. Dum prodeò in arenam publicā, de operationibus animæ disputaturus, nolo, alio præsidio, præterquam Vestro, gloriari. Vos Duos Tutelares meos, & Numina literarū & literatorum amplissima, palam recognosco & deprædico. Non alius meo in pectore terminus, obseruatæ in Vos maximæ, cultusq; deuotissimi; nisi hic, qui ipsius vitæ. Sed & ô beatas istas pauculas theses, si eminūs saltim mereatur à Vobis aspicere. Vbicunq; Phœbus nominis Vestri affulgere incipit; illic quidquid est horridum aut incultum, splendet. Quisquis amplitudinem Maiestatis Vestræ suspicit, fieri non potest, quin Vos Heroas & Mystas in Repub: Polona Inclŷtos, Almæ Ecclesiæ Metropolitanae lumina fulgentissima: Viros tota ex Sarmatia lectissimos, quasi gemmas pretiosissimas annulo insertas: profiteatur. Dignitas Vestra, Diuinitas quædam est. Quidquid agitis, ex virtute religione, iustitiâ; ex Deo, agitis. Alibi authoritatis & dignitatis celsissima fortassis riuali: Vestro in Archicapitulo, limpidissimi, vberrimiq; fontes. imò verò vastum pelagus. Capitulum Vestrum inclŷtum (orbis Poloniarum iudicio) est Capitolium sinceræ religionis, Arcopagus iustitiæ. Oraculū prudentiæ, Orchestra Amistitum, thronus magnæ dignitatis; sanctitatis, atque virtutum Zodiacus. At quid ego infans in dicendo, laudes Vestras hic accumulo? numerari non possunt, ne dum enarrari. Quisquis merita Senatus Vestri celeberrimi, in Ecclesiam, Rempublicam, Patriam, omnes in Regno Ordines, calamo consignat; fluuium exundantem angustâ concludit fossâ. Ego profectò malo virtutes Vestras illastres silentio submisere venerari; quàm de illis ieiunè dicere. Tantis cumulati diuinitus bonis & donis, viuite Ecclesiæ, Reipublicæ Legum atque libertatum præsidio, Academicæ & mihi patrocinio, quàm felicissime, quàmq; diutissime. Hoc Vobis (ad pedes magnæ dignitatis Vestræ, meipsum, & velitariunculam præsentem demittens) voueo & capio.

Cultui Vestro deditissimus

M. ALBERTVS ŁANCVCKI.

Collega Minor.

Q V Æ S T I O

METAPHYSICA

V Anima humana, ab Intel-
ligentia specie differens;
dum est in statu separationis,
sibi præter naturam cōpeten-
ti; actum cognoscendi natu-
raliter exercēdo; omnia, quæ
ordinem naturalis suæ cogni-
tionis, minimè excedunt, di-
stinctè intelligere; & non tã-
tum seipsam, verùm & alia à
se, mouere possit, nec ne?

A

CON-

CONCLUSIO I.

Anima humana ab intelligentia specie differt.

COROLLARIA.

1. *Anima humana, neq^{ue} naturæ specificæ perfectione, æqualis est Intelligentiis; nec iisdem essentiali dignitate antecellit: sed est infra illarum nobilitatem.*
2. *Intelligentia, est substantia completa & perfectæ; anima rationalis, ut potè materiæ unibilis & pars compositi existens, est ens incompletum.*
3. *Intellectus humanus, non est eiusdem speciei, cum intellectu intelligentiæ.*
4. *Magna est imperfectio, humani intellectus, in rebus intelligendis, in hoc statu.*
5. *Si quando anima humana cognoscit rem aliquam more intelligentiæ, videlicet non discurrendo, hoc consequitur, aut præter naturam, quatenus quippe est separata, aut*
supra

*supra naturam, ratione scilicet superni
luminis.*

CONCLUSIO II.

Separatio animæ humanæ, à corpore, cum in fieri, tum in facto esse, animæ, præter naturam competit.

COROLLARIA.

1. *Animæ rationali, non est violenta, nec naturalis, à corpore separatio.*
2. *Status Physicæ separationis, soli animæ humanæ competit; non autem sentienti, aut vegetanti.*
3. *Soli animæ separatæ, est naturale sine corpore operari: operatio tamen illius extra corpus, sit licet illustrior, non est tamen eidem connaturalior.*
4. *Status animæ separatæ formaliter spectatus, est nihil aliud, præterquam priuatio actus secundi, eiusdem animæ, nimirum in-*

formationis, seu unionis cum corpore, atq;
adeò omnium, quæ unionem talem conse-
quuntur.

5. Anima naturaliter propendet in corpus;
nec reunio eius, cum corpore, est præter na-
turam, in ordine ad entitatem: quamvis
quoad modum sit supernaturalis, & mi-
raculosa.

CONCLUSIO III.

Anima humana, dum est in statu se-
parationis, actum cognoscendi natura-
liter exercet.

COROLLARIA.

1. In anima separata, resident omnes faculta-
tes, quæ non dependent à corpore; ut sunt
intellectus, voluntas, memoria, motiva
vis animæ. Reliquæ verò potentiæ sensiti-
uæ, non solum quoad actum, ast etiam quo-
ad entitatem, intereunt.
2. Anima humana, in statu separationis, non
est de-

est destituta ijs habitibus scientiarum, nec speciebus intelligibilibus, quas sibi immersa corpori comparauit. Cæterum seiuncta sic à corpore, acquiratné ampliùs imagines rerum, an non? sub iudice lis est, ac ideo problema.

3. *Anima separata, tam per eas species, quas secum defert, quam per eas, quas ex lumine superno accipit, naturaliter quidem intelligit, seu citra miraculum, sed tamen præter naturam.*
4. *Anima in statu separationis, in cognitionem rerum naturalium, tam sine discursu, quàm cum discursu fertur. Discursus tamen eius in tali statu, longè magis est expeditior, quam dum unita corpori, unum ex altero inuestigaret.*
5. *Modus cognoscendi animæ separatæ, est infra modum cognoscendi Intelligentiæ.*

CONCLUSIO IV.

Anima separata, omnia, quæ ordinem:

naturalis suæ cognitionis, minimè excedunt, naturalitèr & distinctè intelligere potest.

COROLLARIA.

1. *Anima, ubi migravit è corpore, non indiget ad intellectiōem, corporum concursu; prout, dum esset unita corpori, indigebat.*
2. *Anima extra corpus, omnia sensilia perspicacius distinctiusq₃, quam cum informauisset corpus, intelligit, nec impedit localis distantia, quominus sic cognoscat.*
3. *Anima separata, tum se ipsam, suosq₃ actus internos ac potentias; tum quoq₃ alias animas separatas, potest naturaliter distinctè cognoscere. Ea tamen quæ apud nos aguntur lumine naturali cognoscere nequit.*
4. *Substantia; animæ separatae, est ratio ac principium cognitionis sui, suarūq₃ potentialium; in alijs naturis tam communibus quam singularibus: tã materialibus quàm immaterialibus, cognoscendis speciebus ac-*
quisi-

quisitis, vel infusis, utitur.

5. *Verisimile est, animam separatam, naturali eademq; distinctâ cognitione Intelligentias nosse, illarumq; naturales proprietates & operationes; exceptis tamē cordium (ut Theologi vocant) cogitationibus.*

CONCLUSIO V.

Anima, in statu separationis non seipsam tantum; sed alias quoq; res sibi externas, minimeq; substantialiter iunctas, pro viribus suis, mouere potest.

COROLLARIA.

1. *Qualibet res creata, seiunctim ab alia existens, est mobilis loco, vel à se, vel ab extrinseca virtute.*
2. *Nulla animæ inest potentia, mouendi se, si vim, mouendi alia, nullam habet.*
3. *Sit licet facultas motrix spiritalis, animæ, statim à primo sui ortu congenita; illius tamen usus non habet, nisi postquam est à corpore separata.*

4. Pro-

4. Probabile est, quod animæ separatae, possint assumere, sicut Intelligentiæ, corpora, eaq; ad libitum, citra miraculum, mouere.
5. Animæ separatae vis motrix est definita, quoad efficaciam & celeritatem agendi; nec quantamlibet molem mouere potest.

Sub felicibus auspicijs.

Magnifici & Adm. Rdi. Domini.

D. I A C O B I V I T E L L I I,
S. Th. Doct. & Prof: Canonici S. Floriani. In alma Acad: Crac: studij
Gener: vigilantissimi.
R E C T O R I S.



1414. 5. 32



